



SULERIAASISSAQ

Meeqqanut Ilaqutariinnullu Ataatsimiititaq

Kommunit aqunneqarnerat pillugu inatsit nr. 29, 17. november 2017-imeersumi § 28 imm. 2 naapertorlugu, tulliuuttuni aqutsinermut inatsimmi taaneqartumi, ataatsimiititaliat ataavartut sulinerminni suleriaasissatut maleruagassartik namminneq aalajangersartarpaat:

Ataatsimiititap sulinera

§ 1. Aqutsinermut inatsimmi § 29 aamma Kommuneqarfik Sermersuumi Aqutsinermut ileqqoreqqusami § 5, imm. 5. aamma § 10 naapertorlugit, ukiumoortumik missingersuutini killiliussat iluini akuersissutigineqartut, kommunalbestyrelsillu akuersissutigisai naapertorlugit ataatsimiititap susassaqaarfiit suliakkiutigineqartut isumagissavai. Ataatsimiititaq suliani, inatsit naapertorlugu aamma ataatsimiititamut suliakkiutigineqartunut aalajangiisassaaq.

Siulittaasumik siulittaasullu tullianik qinersineq.

§ 2. Ataatsimiititaq nutaamik qinerneqartoq piffissap suliffiusussap aallartinnginnerani inissitsiterfiusumik ataatsimiissaaq. Ilaasortaq sivisunerpaamik kommunalbestyrelsimut ilaasortaasimasooq ataatsimiinnissamut ataatsimiigiaqqusisuussaaq. Arlallit sivisoqatigiimmik ilaasortaasimappata, taakkunannga angajulleq ataatsimiigiaqqusisuussaaq.

Imm. 2. Inissitsiterfiusumik ataatsimiinnermi ataatsimiititami namminermi siulittaasumik amerlanerussuteqarnikkut qinersisoqassaaq, aqutsinermut inatsimmi § 27, imm. 1 naapertorlugu. Qinersineq ataatsimiinnissamut qaaqqusisumit ingerlanneqassaaq.

Imm. 3. Siulittaasumik qinersisoqareerpat, ataatsimiititap aalajangissavaa siulittaasup tullianik qinersisoqassanersoq. Taamaattoqassappat qinersineq siulittaasumit aqunneqassaaq, taannalu pisinnaangippat, siulittaasumik qinersinermi aqutsisoq qinersinermik aqutsissaaq. Qinersineq siulittaasumik qinersinermi malittarisassat assingi malillugit ingerlanneqassaaq.

Imm. 4. Siulittaasooq sivikitsumik peqataasinnaatinngu siulittaasup tullia siulittaasumut taartaassaaq. Siulittaasup sinniisussaa ataatsimiigiaqquneqarpat, taanna ataatsimiititami ilaasortatut inississaaq.

Imm. 5. Qinigaaffiup naannginnerani siulittaasooq tunuassappat, imm. 2-mi periuseq nassuiaatigineqartoq naapertorlugu, ataatsimiititaq siulittaasussaminik nutaamik qinersissaaq.

Ataatsimiititap ataatsimiittarnissai



§ 3. Ataatsimiititap sulinini ataatsimiinnerni ingerlatissavaa, Aqutsinermut inatsimmi § 28, imm. 1 naapertorlugu. Ataatsimiititap ataatsimiinneri matoqqasuupput.

Imm. 2. Ataatsimiititap ataatsimiittarnissamini piffissaq nammineq aalajangersassavaa.

Imm. 3. Pisariaqavissumik ataatsimiinnissanik kinguartitsineq aammalu immikkut ittumik ataatsimiinnerit pisassapput siulittaasup pisariaqartikkaangagu, imaluunniit ikinnerpaamik ilaasortat pingajorarterutaasa tamanna piumasarigaangassuk. Siulittaasup aalajangertassavaa immikkut ittumik ataatsimiinnissat qaqugu sumilu pinissaat.

Imm. 4. Ilaasortaq ataatsimeeqataasinnaanngippat, ilaasortap sinniisussaa ilaasortap ataatsimeeqataasinnaannginnera tamaat ataatsimeeqataasassaaq. Ilaasortaq ataatsimiititap ataatsimiinnerani peqataasinnaanngikkuni, sapinngisamik piaartumik imaluunniit kingusinnerpaamik ataatsimiinnissaq ullunik marlunnik sioqqullugu kommuneqarfik@sermersooq.gl-imut, ataatsimiititap allattaa mailikkut CC-kkut ilanngullugu nalunaaruteqartassaaq. Tamatuma kingornagut allaffeqarfimmit sinniisussaq ataatsimiigiaqquneqassaaq.

Imm. 5. Ataatsimiititap allattaata ataatsimiinnerit najuuffigissavai, ataatsimiititaq allamik aalajangiisimanngippat. Aqutsinermut inatsimmi § 28, imm. 4 naapertorlugu ataatsimiititaq isumaqarpat suliamut tunngatillugu paasissutissiissuteqartoqassasoq, inuit allat, kommunimi atorfeqartut, ataatsimiinnermi najuussinnaapput.

Imm. 6. Aqutsinermut inatsimmi § 28, imm. 4 naapertorlugu ataatsimiititaq kommunimi sulisuunngitsunik suliap suliarinerani aggersaasinnaavoq, suliap paasissutissiiffiginissaanut tamanna kissaatigineqarpat.

Oqaluuserisassat suliallu saqqummiunneqarneri.

§ 4. Aqutsinermut inatsimmi § 27, imm. 1 naapertorlugu ataatsimiititap siulittaasua ataatsimiinnissamut oqaluuserisassaliussaaq, ilaasortanillu ataatsimiinnissamut ataatsimiigiaqqusilluni. Ileqqusumik ataatsimiinnissanut oqaluuserisassat aammalu suliat suliarineqarnissaannut paasissutissat pisariaqartut sapinngisamik ataatsimiititamut ilaasortanut ataatsimiinnissaq kingusinnerpaamik ulluinnarnik sisamanik sioqqullugu nassiunneqassapput.

Oqaluuserisassat ilanngussallu politikerit isaavianni elektroniskiusumi pissarsiarineqarsinnaapput, atortorissaarut taanna aqutugalugu politikerit ataatsimiinnerni atugassaar passunneqartarput.

Imm. 2. Ataatsimiititami ilaasortaq kinaluunniit kommunip susassaarfii pillugit apeqquteqarsinnaatitaavoq, ataatsimiititap susassaarfiisa iluaniittunik. Apeqquteqaat naatsuliarineqarsimassaaq ersarissuliaasimassalluni naatsumillu tunngavilersuutitaqassalluni. Apeqquteqaat allaganngorlugu apeqquteqaatigineqassaaq, Pisortaqatigiit Allatseqarfianut tunniunneqassallunilu.

Pisortaqatigiit Allatseqarfiata apeqquteqaat ingerlatsivimmi pisortamut susassaqartumut ingerlateqqissavaa, taassumalu nalilissavaa apeqquteqaat allaffissornikkut akissuteqarfigineqarsinnaanersoq. Apeqquteqaatit allaffissornikkut



akissuteqarfigineqarsinnaasut akissuteqarfigineqassapput sapinngisamik ulluinnaat 10-t qaangiutsinnagit.

Apeqquteqaat allaffissornikkut akissuteqarfigineqarsinnaanngippat apeqquteqaat akissuteqarfigiumallugu ataatsimiititamut susassaqartumut ingerlateqqinneqassaaq.

Apeqquteqaatit allaffissornikkut ulluinnaat 10-t sinnerlugit akineqartut aamma ataatsimiititamut susassaqartumut akissuteqarfigeqqullugit tunniunneqarsimasut pillugit, apeqquteqaateqartoq ilisimatinneqartassaaq.

Apeqquteqaatip kiisalu akissuteqaatip assilineri Kommunalbestyrelsimut ilaasortanut tamanut ataatsimoortillugit nassiunneqassapputaaq.

Apeqqutit akissutillu kommunip nittartagaani saqqummiunneqassapput. Apeqqutit akissutillu paasissutissanik saqqummiuteqqusaanngitsunik imaqpata, taakku saqqummiunneqaratik kommunalbestyrelsimut ilaasortanut nassiunneqassapput.

Imm. 3. Immikkut ittumik ataatsimiittoqarnissaanut aggersaanermi ataatsimiititami siulittaasup ilaasortat sapinngisamik ataatsimiinnermi suliat suliarineqartussat pillugit ilisimatittassavai.

Imm. 4. Ilaasorta q kinaluunniit ataatsimiinnerup aallartinnerani ullormut oqaluuserisassani oqaaseqarumasinnaavoq.

Imm. 5. Aalajangiussassatut siunnersuummik oqaluuserisassat nassiunneqareernerisa kingorna aatsaat nassiussisoqassagaluarpata, oqaluuserisassanulli ilanngunneqarsinnaasumik, tapiliussatut oqaluuserisassanngortinneqassaaq, taannalu oqaluuserisassat nalinginnaasumik nassiunneqartarnerisulli malittarisassat assingi malillugit ilaasortanut nassiunneqassaaq. Tapiliussatut oqaluuserisassanik nassiussinerni immikkoortoq imaluunniit immikkoortut ileqquusumik ataatsimiinnermi oqaluuserisassani ilanngunneqarsimannginnerannut tunngavilersuutit tamatigut ilanngunneqartassapput.

Imm. 6. Suliaq ileqquusumik oqaluuserisassanut imaluunniit oqaluuserisassanut tapiliussatut ilanngunneqanngitsoq suliassaq kinguartinneqarsinnaanngippat suliarineqarsinnaavoq.

Imm. 7. Suliat, ataatsimiititamut saqqummiunneqannginneranni naammattumik erseqqissarneqarsimanersut, siulittaasup nakkutigissavaa.

Aalajangiisinnaatitaaneq, ataatsimiinnermik aqutsineq suliallu saqqummiunneqartarneri.

§ 5. Ilaasortat ikinnerpaamik affaat najuuppata, ataatsimiititaq aalajangiisinnaatitaavoq. Aqutsinermut inatsimmi § 28, imm. 1 naapertorlugu aalajangernerit tamarmik amerlanerussuteqarnikkut pisassapput.

Imm. 2. Aqutsinermut inatsimmi § 27, imm. 1 naapertorlugu ataatsimiititap ataatsimiinneri siulittaasumit aqunneqassapput. Siulittaasup peqannginnerani ataatsimiinneq siulittaasup tullianit aqunneqassaaq, taamaanngippallu ataatsimiititami ilaasortap kommunalbestyrelsimut sivilunerpaamik ilaasortaasimasup ataatsimiinneq aqussavaa,



imaluunniit, arlaqartut sivisoqatigiimmik ilaasortaasimappata, taakkunannga angajulliup ataatsimiinneq aqussavaa.

Ataatsimiinnermi aqutsisup isumaqatiginninniarnermi apeqquiti tamaasa aalajangiiffigisassavai. Ilaasortaq kinaluunniit ataatsimiinnermi aqutsisup suleriaatsimi aalajangersakkanik paasinnissinnaaneq tunngavigalugu aalajangiineranik malinnissinnaatitaagallarpoq.

Imm. 3. Suliat siulittaasup tulleriiarinissamik aalajangiinera naapertorlugu suliarineqassapput, taamaasillunilu oqaluuserisassani tulleriiarisimaneq sanioqqutsissinnaallugu. Kisianni, ataatsimiititami ilaasortap ataatsip kissaatigippagu, suliat qanoq tulleriiarneqarlutik suliarineqassanersut, ataatsimiititap aalajangissavaa.

Imm. 4. Siulittaasoq, aqutsinermut inatsimmi § 27, imm. 2 naapertorlugu, ataatsimiititaq sinnerlugu sulianik kinguartinneqarsinnaanngitsunik, imaluunniit nalornissutaasinnaanngitsuni, aalajangiisinnaatitaavoq. Suliassani inatsisiliornikkut ataatsimiititamut suliassanngortitaasimanngitsuni kinguartinneqarsinnaanngitsunili ataatsimiititami siulittaasup aalajangiitinnani borgmesteri ilisimatittassavaa, tamannali atuutinngilaq suliassani ataatsimiititamut suliassanngortinneqarsimasuni.

Imm. 5. Immikkoortut taasissutigineqartussat siulittaasup oqaasertalersussavai.

Imm. 6. Ilaasortaq kinaluunniit, aqutsinermut inatsimmi § 27, imm. 3 naapertorlugu, siulittaasup ataatsimiititami sulinera pillugu sunilluunniit apeqquiteqaateqarsinnaatitaavoq, aammalu ataatsimiititap paasissutissanik piumasaqaataanik tamanik siulittaasoq paasissutissiisaaq. Siulittaasoq sutigut tamatigut ataatsimiititap aalajangersimasaanik naapertuisussaataavoq.

Imm. 7. Ataatsimiititami ilaasortaq kinaluunniit aqutsinermut inatsimmi § 30 naapertorlugu, ataatsimiinnermi aalajangerneqartumik unitsitsisinnaatitaavoq, ataatsimiinnermi, aalajangerneqartumik kommunalbestyrelsimut aalajangiiffigisassanngortillugu aalajangiinermut imaqaarniliatut nalunaarutigalugu.

Imm. 8. Aqutsinermut inatsimmi § 39, imm. 2 naapertorlugu ilaasortap ataatsimiititami siulittaasoq ilisimatittassavaa pissutissaqarpat suliani aalajangersimasuni suleqataasinnaanermut apeqquitinngortitsisinnaasunik. Aqutsinermut inatsimmi § 39 naapertorlugu ataatsimiititami aalajangerneqartassaaq ilaasortaq imatut soqutigisaqarnerisooq, ilaasortaq ataatsimiititap suliamik suliarinninnerani peqataasinnaannginnerisooq imaluunniit peqataasinnaanersooq. Taama ittoqartillugu pineqartoq suliaq pillugu isumaqatigiinniarnermi taasinnermilu ataatsimiiffimmiit anissaaq taamaattorli suliaq pineqartup eqqartorneqarnerani ilaasortaq anissanersooq pillugu ataatsimiititap isumaqatigiinniarninnerani taasinneranilu peqataasinnaalluni.

Imm. 9. Aqutsinermut inatsimmi § 39, imm. 3 naapertorlugu ilaasortap suliamut aalajangersimasumut sammitillugu suleqataasinnaanera apeqquuserneqarsinnaasorineqarpat kommunalbestyrelsimut gruppimi qinigaqaqatigisimasaani ilaasortat, aammalu ilaasortaq kisimiilluni qinigaasimappat, suleqataasinnaanera, apeqquuserneqartoq nammineq sinniisussamik ataatsimiititaliap sulineranut aggersaasoqarnissaanik piumasaqarsinnaavoq.

Imm. 10. Ataatsimiititaliaq ilaasortap suleqataasinnaannginneranik aalajangiippat, sinniisussamik aggersaasoqarsimanngippat, taava kommunalbestyrelsimi ilaasortat



pineqartup qinigaagatigisimasai, aamma pineqartoq kisimiilluni qinigaasimappat, ilaasortap nammineq, piumasaqarsinnaapput suliaq tulliani ataatsimiinnissamut kinguartinneqassasoq. Kinguartitsisinnaanerli periarfissaassanngilaq kinguartitsinerup kingunerissappagu piffissaliussat kommunip pisussaaffigisai eqqortinneqassanngippata.

Imm. 11. Aqutsinermut inatsimmi § 28, imm. 1 naapertorlugu ilaasortat sinniisussallu ataatsimiititami taasinerni aatsaat peqataasinnaapput, najuullutik ataatsimeeqataagunik imaluunniit tele attaveqaatit ikiorsiullugit ataatsimeeqataagunik.

Imm. 12. Oqaluuserisassat, oqaluuserisassatut siunnersuutit atortussallu kommunimi allaffeqarfiimmit suliarineqarsimasut kalaallisut qallunaatullu suliarineqarsimassapput, ilanngussat allatullu paasissutissat kommunip avataanit suliarineqarsimasut taakku oqaasii atorlugit suliarineqarsimanerisut saqqummiunneqassapput.

Aalajangernerit pillugit imaqarniliaq

§ 6. Ataatsimiititap siulittaasuata akisussaaffigaa, ataatsimiititami aalajangerneqartut aqutsinermut inatsimmi § 28, imm. 3 naapertorlugu aalajangernermut imaqarniliamut allanneqarnissaat. Imaqarniliaq ataatsimiinneq naammassippat ilaasortanit ataatsimiinnermi najuuttunit akuerineqassaaq atsiorneqarlunilu. Ilaasortaq ataatsimiinnermi peqataasimanngikkaangat, aalajangiinnermut imaqarniliamut allanneqartassaaq. Ilaasortaq ataatsimiinneq tamaat ataatsimeeqataasimanngippat, imaqarniliamut allanneqassaaq, immikkoortuni sorlorni piffissamilu ataatsimeeqataasimannginnera. Ilaasortani taakkunani kinaluunniit piumasaqarsinnaavoq isummani allaasoq naatsumik aalajangiinnermut imaqarniliami allanneqaqqullugu, sulianilu pisortatut oqartussaasunut allanut ingerlateqqitassani piumasarisinnaallugu taassuma aamma imaqarniliamik ilisimatinneqarnissaat. Aqutsinermut inatsit § 16, imm. 1 aamma § 28, imm. 3 naapertorlugit ilaasortap taassuma suliap nassiunneqarneranut atatillugu isummernerminut tunngaviliussani ilanngussinnaavaa.

Imm. 2. Ilaasortaq taasisimanini allamilluunniit peqquteqarnini innersuussutigalugu, aalajangernermut imaqarniliami atsiormanngissinnaanngilaq.

Imm. 3. Siulittaasup qulakkiissavaa imaqarniliat toqqorneqarnissaat, aammalu ataatsimiinnerup naammassinerata kinguinnguutigut ilaasortat sinnerisa imaqarniliap assinganik nassinneqarnissaat qulakkiissallugu.

Imm. 4. Aqutsinermut inatsimmi § 28, imm. 3 naapertorlugu aalajangiinnermut imaqarniliat atsioriikkat Naalakkersuisunut nassiunneqarnissaat siulersuisup qulakkiissavaa.

Nipangiussisussaataaneq

§ 7. Ataatsimiititami ilaasortat nipangiussisussaataapput, tamanna pillugu inatsimmi malittarisassat naapertorlugit.

Imm. 2. Ataatsimiititap ataatsimiinneri matoqqasuupput, eqqartorneqartullu allamut ingerlateqqitassaanngitsutut isigineqarput. Ataatsimiititap aalajangerneri tamanut



nalunaarutigineqarsinnaapput, kisianni paasissutissat nipangiussisussaataitanermut tunngasut pinnagit.

Imm. 3. Ilaasortaq kinaluunniit paasissutissiisinnaatitaavoq, nammineq qanoq oqaaseqarsimanerminik taasisimanerminillu, nipangiussisussaataitanermut tunngasut kisiisa pinnagit.

Ataatsimiititap aalajangernerinik suliagarneq piginnaatitaaffinnillu agguassineq

§ 8. Siulittaasup qulakkiissavaa ataatsimiititap aalajangernerisa naammassineqarnissaat. Siulittaasup nakkutigissavaa, suliart arlaannaalluunniit pisariaqanngitsumik kinguarsarneqartariaqanngitsut.

Imm. 2. Suliart, ataatsimiititamut saqqummiunneqannginneranni naammattumik erseqqissarneqarsimanersut, siulittaasup nakkutigissavaa.

§ 9. Ingerlatsiviup siulittaasullu aalajangiisinnaatitaanerart ataatsimiititami aalajangiisoqarneratigut agguataarneqassapput, aammalu inatsimmi atuuttumi malittarisassat malinneqassapput.

Imm. 2. Ataatsimiititami isumaqatigiinnikkut suliart aalajangersimasut imaluunniit suuneri apeqqutaatillugit siulittaasumut suliakkiutigineqarsinnaapput. Ataatsimiititaq ataatsimiititami ilaasortanut allanut/kommunalbestyrelsimut siulittaasup saniatigut piginnaatitsisinnaatitaanngilaq.

Imm. 3. Ataatsimiititaq amerlanerussuteqalaarnikkut suliassanik aalajangersimasunik suunerilu apeqqutaatillugit ingerlatsivimmut suliakkiuteqarsinnaavoq.

Imm. 4. Ataatsimiititami siulittaasumut ingerlatsivimmullu piginnaatitsilluni aalajangernerit allattorsimaffimmut immikkut nalunaarsorneqartassapput. Allattorsimaffimmi erseqqissumik allassimassaaq, suliassat suut siulittaasumut aammalu suliassat suut ingerlatsivimmut piginnaatitsissutigineqarsimanersut. Aamma allassimassaaq ulloq suna aalajangertoqarneris, taamaasilluni suliart ajornanngitsumik nassaarineqarsinnaaniassammat.

Suleriaasissami allannguutit

§ 10. Suleriaatsimi allannguutit tapiliussallu ataatsimiititap ileqquusumik ataatsimiiffissaani oqaluuserineqassapput.

Imm. 2. Ataatsimiititap suleriaasiani allannguutit borgmesterimut nalunaarutigineqassapput, suleriaatsip iluarsaatap nassiunneratigut.

Atuutilersitsineq

§ 11. Suleriaasissaq maajip ulluisa pingajuanni 2021-mi atuutilerpoq.



Meeqqanut Ilaqutariinnullu Ataatsimiititaq 2021-mi maajip ulluisa pingajuanni ataatsimiinnerani akuersissutigineqarpoq.

Avaaraq S. Olsen
Meeqqanut Ilaqutariinnullu Ataatsimiititami siulittaasoq.